

Lisaun 8: Poder husi Kristu nia Moris hias

A. Lialos esensial kona ba Kristu nia moris hias

1. 1 Korintu 15:1-4 Lialos esensial saida mak Paulo sublina kona ba Jezus nia mate ba ita nia sala sira? (haree mos Roma 1:1-4)
2. Evidensia saida deit mak Paulo hatudu kona ba Jezus nia moris hias husi mate? 1 Korintu 15:5-8
3. Tambasa mak iha buat balu ne'ebe la hanesan iha hakerek nain sira nia Evanjellu kona ba Jezus nia moris hias husi mate?
4. Sasin saida mak Jezus fo kona ba Nia moris hias husi mate? Lukas 24:44-46
5. Sasin saida mak Pedro fo iha Loron Pentekosta kona ba Jezus nia moris hias husi mate? Apostlu sira nia hahalok 2:22-24

B. Importánsia husi Jezus nia moris hias

1. 1 Korintu 15:12-19 Tambasa mak Jezus nia moris hias husi mate importante ba ema kristaun?
2. Revelasaun saida mak Pedro fo ba Kornelio kona ba Jezus nia moris hias? Apostlu sira nia hahalok 10:36-40?
3. 1 Korintu 15:20-23 Saida mak signifikadu husi Jezus nia moris hias nudar "ai-fuan dahuluk sira" no saida mak tempu ba moris hias jeral?
4. Iha ne'ebe maka ita bele hetan informasaun inspiradu adisional kona ba moris hias husi "ema mate sira iha Kristu" iha Ninia mai iha gloria? 1 Tesalonika 4:13-17?
5. Jezus fo garantia saida ba Marta kona ba moris hias husi mate no oinsa mak Marta hatan? Joao 11:23-27

C. Ita nia isin lolon ne'ebe moris hias ona

1. 1 Korintu 15:35-43 Oinsa mak ita nia isin ne'ebe moris hias sei la hanesan ho ita nia isin agora?
2. Filipe 3:20-21 Oinsa mak Jezus nia "isin gloriozu" hafoin Nia moris hias? (Lukas 24:36-43, Joao 20:27, nst.)
3. Saida mak ita boot nia hanoin kona ba iha isin ne'ebe glorifikadu ho laiha tan moras ka limitasaun sira?

D. Prezente imortalidade nian

1. Bainhira maka ema sira ne'ebe hetan sosa fali simu prezente imortalidade nian? 1 Korintu 15:51-57
2. Iha naroman ita nia destinu gloriozu nian, apelu saida maka Paulo halo ba Timoteo? 1 Timoteo 6:11-16

E. Ressurreisaun rua

1. Jezus hanorin katak sei iha moris hias rua husi mate. Joao 5:28-29
2. Saida mak akontese ba sira ne'ebe moris hias iha kondenasaun nia moris hias? Apokalipse 20:4-9
3. Oinsa ita bele evita rohan ne'ebe maka'as ba sira ne'ebe mak moris hias iha kondenasaun nia rohan? Joao 3:16, 2 Pedro 3:9, Roma 10:13, nst.